# rūtu

## modol vāci kiyval gosţi

id kalit ropo tanvaṅg kāryaṅg pūri kiyan sāṭi, yūdulke āyva yūdulk āyur vūrkun gir bagavantal bahan vāḍakam kīntoro ijrayēl jātitur kari kiyana injer id rūtu inval pustaknaga lihi kīsi manta. rūtu inval veylo mōyab dēsna ānd, ijrayēl dēsna āyo. pōsaṭi veylo āta ad nayomina cokoṭ-vāyuṭ sūḍan sāṭi rūtu tanva parjatun suṭi kīsi, ijrayēl dēsnaga vānta. ijrayēl dēsnor dāvid rājal ani vōnur totturkun id rūtu bahan aval āṣi niltayo, id katataga lihi kīsi manta.

## id katatun vāci kiyan mune id gosţi kari kīmţ

tole ijrayēl dēsnaga yūda jātitun ropo undi niyam matta. batal itteke kuṭumbataga ivir markmanji ḍagur mari marmiṅg āsi mārteke, sērnḍu taṅgen tuṅgsi, tādana āstitun poro adikār vāle āntor. uṇḍe vūrkun mari-miyaḍ jalma āteke, ad āsti markna ānta. undi mōka vorore manji mārteke, ad āsti karumnor pālevāṇḍan ānta. bōrte vōna kuṭumbatal uṇḍe gir pisi mandantero, vūr samdira cokoṭ-vāyuṭ sūḍval jimeḍāri vōr pālevāṇḍan poro mandanta.

## id pustaknal karivalik gosţing

bagavantanang icang nama parur ahan pure mayval.

barosate pisvalir hindal bagavantal tanvang kāryang pūri kiyval.

dusrurkun madat kiyvadun hindal, kutumbamun poro, sõptalir poro barosa irvadun hindal, vūra pisval tarika māryusi, bagavantal vūrkun ānand siyval.

bagavantana cokoṭ-pān sirip yūdulkun sāṭine āyo bati samdi jātinur sāṭi manta.

bagavantal jagduniyata parjatun cokoṭ sūḍval ani vūra pisvaḍun ropo tanvaṅg kāryaṅg pūri kiyval āndur.

### baga batal manta

yelimelekna kuṭumbataga vele duksa vāyval 1:1-5 nayomi betleham caharte malsi sonval 1:6-18 nayomi ani rūtu betleham caharte yevval 1:19-22 bōyajna polamnaga rūtu sarva perval 2:1-7 bōyaju rūtun poro daya tohval 2:8-13

bōyaju duparita nehli tinle rūtun kēyval 2:14-16
bōyajun bārete nayomi kēnjval 2:17-23
nayomi rūtun saṅga batal bahan kiyana injer vehval 3:1-5
rūtu bōyajun bēṭe māyle sonval 3:6-15
rūtu kaḍatal nayominaga malsi sonval 3:16-18
bōyaj ani uṇḍe voror pālevāṇḍal 4:1-12
rūtu marin jalma siyval 4:13-17

### yelimelekna kuṭumbataga vele duksa vāyval

rūtu ani bōyajna vēli 4:18-22

nāy vehvalir adikārir rāj tākusval ▲ gatkate\* ijrayēl dēsne karu arta. te yūda yēriyata betleham cahartal voror māynal tanva bāykon ani ivir markun piysi, mōyab dēsne pisle sottor. <sup>2</sup>võr māynana porol velimelek, võna bāykona porol nayomi.\* ivir marknaṅg porolk mahalon ani kiliyon, vūr yūda vēriyata betleham caharte manval yepratiyulk inval sagater āndir. vūr mōyab dēsne sonji, aga piser matter. <sup>3</sup>ahan piser maneke, nayominor mādso yelimelek mārtor, te rānde veylo nayomi ani tānur ivir marke meysi matter. 4-5 vūr mark mōyab dēsnaṅg pēkin tuṅgter. av pēkiknal undita porol võrpal, undundita porol rūtu. ahan kami jāda daha sālk āta peje mahalon ani kiliyon gir mārter, te

nayomi māḍso ani mark selva pōsaṭi veylo āta.

### nayomi betleham caharte malsi sonval

6-7 ahan möyab desnaga piser maneke nayomi, "tanva desnaga paṇṭaṅg muktari paṇḍnal bagavantal tanva parjatun āsirvād sīsi, pir vāyustor\*" injer kenjta. aden saṭi nayomi ani tanaṅg koryak agaṭal yūda yeriyate sonle tayar āsi, sariy pesitaṅg.

<sup>8</sup> bati ahan sonjer maneke, nayomi kõryakun tödo, "mirat mī sedmite malsi sont." sātur nā markun poro ani nā poro mīva māriyo ad permatun tohtit. ahne bagavantal mī poro gir tanva māriyo ad permatun tohir. <sup>9</sup> bagavantal mīkun āsirvād sīsi, mirat uņde undi jöka marming āsi, mīkun rön-racca sīnur" injer köryakun kalita." <sup>10</sup> aske raņdute köryak jörte

mukka burval

<sup>\* 1:1</sup> ijrayēl dēsnaga rājan nēmi kiyvak modol \* 1:2 nayomi itteke kusite ani ānandne manval veylo injer artam \* 1:6-7 tanva dēsnur sāţi bagavantal kāneta intajam kītor \* 1:8 tamva beyena rōn sonji uṇḍe marmiṅg āyavaco inval artam \* 1:9 kalival selete

3

āḍser, "nī saṅgane nī lōkurga vāntom" ittaṅg.

<sup>11</sup> bati nayomi, "nā koryaknit! mirat nā saṅga bāri vāntit? mī sedmite malsi sont. mīkun tuṅgle, uṇḍe nā pite mark puṭanir intit ki batal? <sup>12-13</sup> nā koryaknit! mī sedmite malsi sont. nana uṇḍe voron tuṅga paronacor mātarina āton. undi moka nākun barosa manta injer nēṇḍ bone tuṅgsi, ivir markun jalma sīkater, vūr ḍaguk ānal vēri, vūr sāṭi miraṭ manda parkit ki batal? nā koryaknit! manda parvit. bagavantal nākun bayman ātor, aden sāṭine mīkun lākta duksat ter nākun adik duksa lākta" injer aven toḍo vehta.

<sup>14</sup>ad kēnci uṇḍe adik āḍtaṅg. ad vakatne vōrpal pōraḍun kalisi, tanva seḍmite sonle pesita. bati rūtu pōradun urngi kīsi, matta.

<sup>15</sup> te nayomi, "icula! nīva sēriyaḍ tanva parjataga tanva pēndaga malsi sonjer manta. nime gir tān saṅga son" injer vehta.

<sup>16</sup> bati rūtu, "'nā pejey vāyma, suṭi kīsi son' injer nākun julma kiyma. nime baga dāki aga vānton, nime baga mandki aga mandanton, nī lōkure nā lōkur, nī bagavantale nā bagavantal. <sup>17</sup> nime baga sāki aga nana gir sāka ani agane nākun māti kīnir. maran tapsi dusro batay nihgaṭal nākun pāki kiyarte, bagavantal nākun bey ḍagur siksa siyir" injer itta. <sup>18</sup> id gosṭi kēnci, tanva saṅga vāyle, rūtuna man mārita injer nayomi samje māsi, ad gosṭit bārete julma kiyvakne dab matta.

#### nayomi ani rūtu betleham caharte yevval

<sup>19</sup> ahan av raṇḍ tākser betleham caharte yevtaṅg. yevta peje, ad cahartur samdire aven sūḍsi, gul kusi āter. veylok aveknaga vāsi, "id nayomi ānd ki?" injer undit undi pūsi kītaṅg.

<sup>20</sup>te nayomi "hō nayominay āndun. nākun nayomi bati injer kēymat. bāriteke vōr sarvasaktivantal bagavantal nākun bey duksa sītor. aden sāţi nākun nayomi\* invadun badli māra\* intu. <sup>21</sup>nan igetal soneke, gan-gōtne sotton.\* bati inke bagavantal nākun pōsatin dāt malusi tattor.\* mirat nākun nayomi injer bāri kēyantit?

<sup>\* 1:20</sup> nayomi itteke kusite ani ānandne manval veylo injer artam \* 1:20 māra itteke duksate manval veylo injer artam. \* 1:21 selete "igeṭal soneke nahga samdiy matta" injer manta. \* 1:21 selete "nākun batay selvakne malusi tattor" injer manta.

maha saktivantal bagavantal nākun bayman āsi, bey duksa sītor" injer vehta.

<sup>22</sup> ahan nayomi ani mōyab dēsna tanva kōriyaḍ rūtu, mīre māsi vanjina paṇṭa koyval kālam modol āneke, betleham caharte yevtaṅg.

### bōyajna polamnaga rūtu sarva perval

nayominor māḍso yelimelekna 🚄 kāndāntor dagur danevantal pālevāndal mattor, vona porol bōyaju. <sup>2</sup>nayomin saṅga mōyabna rūtu, "nākun polamknaga sarva perle sonda sīm āti.\* polamknaga panta koyusval kārobāri bōre nā poro daya tohci sarva perle vopanurte, aga sarva peranton" injer pūsi kīta. aske nayomi, "nā kōryadi son" injer vopta. <sup>3</sup>te rūtu undi polamnaga sonji, aga manval kārobārin "id polamnaga sarva perkay?" injer pūsi kīta. ani būytalir koyneke suti kītatun pejey-pejey perser matta. tana perser manval polam yelimelekna kāndāntor bōyaj inval cutamna ānd inval tān tāva sele matta.

<sup>4</sup> bōyaju betlehamnal polamnaga vāsi, būytalir saṅga, "bagavantal mī tōḍo manir" ittor. te vūr malsi "bagavantal nīkun āsirvād siyir" itter. <sup>5</sup> aske bōyaj būytaliror kārobārin saṅga, "ad bad ḍiya ānd?" injer pūsi kītor. <sup>6</sup> te vōr kārobāri, "nayomin saṅga vāta, ad mōyab dēsna ḍiya ānd. <sup>7</sup> 'būytalir pejey sarva pera sīm' injer nākun pūsi kīta. te 'pera' injer vehton. te sakeḍalte iṅke vēri, perseren manta. bati gaṭkamen mātram guḍsetaga sonji āram yēcci vāta" injer bōyajun vehtor.

# bōyaju rūtun poro daya tohval

<sup>8</sup>aske bōyaju rūtun saṅga, "bāyi

nā gosti kēnja, id nā polamun suti

kīsi, dusrona polamnaga sonma. igen nāvaṅg būytekun karum sarva perser man. <sup>9</sup> vūr būytalir bagate panta koyser mandantero, vūr pejeyen sarva perser man. vūr diyurkun bōre nīkun nōyusva injer hukum sīton. nīkun yēr vatka vasteke, būytalir cēndi kīsi irtang buddinaga sonji, yēr un" injer vehtor. <sup>10-11</sup>aske rūtu bōyajun poro vele mānde mur-tongrang kotsi būd sūdser, "nanate dusro desnona andun, bati nā bārete batal kari kīsi, nā poro daya tohcer manti?" injer gul āsi, bōyajun pūsi kīta. te bōyaju, "nī mādso mārta peje, nime nīva pōradun kīta cākoratun bārete nākun samdo vodki āta. nime nīva kutumbatun ani nīva dēsun suti kīsi, iden mune vodki sele matter vūr parjataga pisle vāti. <sup>12</sup> bagavantal nime kīta aden malsi āsirvādna pandi sīnur. ijrayēlknor bagavantanang mārelkun

<sup>\* 2:2</sup> musaparir āyi, rāṇḍe veylok āyi, pōsaṭir āyi seleke uṇḍe dusrur bōre garib lōkur āyi, koyneke vahukne tūrta sarva pera vaco injer hebriyulkna niyamnaga lihi kīsi manta.

būḍ volsi bace māyle vāti. vōre nīkun ḍagur inam sīnur" injer vehtor. <sup>13</sup> te rūtu, "mālka, nan nīvaṅg būyteknaga undita āyvek gir nā poro daya tohci, nā saṅga cokoṭe vaḍkti. nīva daya nā poro mani" injer itta.

### bōyaju duparita nehli tinle rūtun kēyval

<sup>14</sup> duparita yēlate, "nime ige vāsi, icur sāri yēcci kuside tin" injer bōyaj tān sanga vehtor. te būytalir karum nehli tinle utta. aske bōyaju tān poheng sītor. te tindanaccor tinji icungsi meyusta. <sup>15</sup> ani sarva perle tētta. aske bōyaj būytalir sanga, "rūtun sadin karum gire pera sīmtu. bōre tān āpusmat. <sup>16</sup> sarva pernal tān sāti mutinagatal icuk-icuk tuhcer sont. tān bōre rāng siymat" injer būytalirkun hukum sītor.

## bōyajun bārete nayomi kēnjval

17 te rūtu nulpe vēri ad polamnagan vanjina sarva perta ani aven kohkta. te av lage undi bīvḍamen ātaṅg. <sup>18</sup> av vanjiṅg piysi, rūtu betleham caharte manval rōn vāta. aske ātihare nayomi sūḍta. te tana peṭimen tineke meyusi tattaṅg av poheṅg ātiharen sīta. <sup>19</sup> aske ātihare, "nēṇḍ nime baga kām kīti? bōna polamnaga sarva perti?" injer pūsi kīta. "nī poro daya tohvan bagavantal āsirvād siyir" injer itta. te rūtu, "ad polamnor mālkana porol bōyaju bere" injer

vehta. <sup>20</sup>aske nayomi, "vōr bōyaj mākun karumnore pālevāndal āndur. pisi matturk ani sāturk gir võr madat kīser mantor. mākun gir cokot-vāyut sūdvalirgatal voror āndur, māriyo ad perma tohval võr mäynan bagavantal āsirvād siyir" injer kōryadun saṅga vehta. <sup>21</sup>aske mōyab dēsna rūtu, "acore āyva, nā saṅga 'tanva paṇṭa samdo koysi mārnal vēri tanvur kām kiyvalir barobar sarva perle vara' injer vehtor" itta. <sup>22</sup> te nayomi, "nā kōryadi, vōnaṅge būytekun karum sarva perser man, dusrona polamnaga sonma, undi mōka dākite bōre nīkun taklib sīnir" injer kōryadun vehta. <sup>23</sup> te rūtu vanjina panta koyval kālamnal te gohkna panta koysi mārnal vēri, bōyajnang būytekun saṅga sarva perser ātiharena rōn piser matta.

## nayomi rūtun saṅga batal bahan kiyana injer vehval

**3** undi diya nayomi rūtun saṅga, "nā kōryaḍi, nīkun voror māḍso matteke, nīva cokoṭ-vāyuṭ samdo sūḍsi yētndur. iden bārete nana tapvak batal ter kiya lāgar. ² bōnaṅg būytekun pejeyen nime sarva pertiyo vōr bōyaju mākun karumnor pālevāṇḍal āndur. icula! nēṭa rātun kaḍataga gohk kohkusi tuḍusantor. ³ nime yēr tuṅgsi, gama gama gāḍi siyval niy (seṇṭ) sōksi, nihga manvaliknagaṭal cokoṭna kapḍi

pōṇḍsi, kaḍataga son. vōr tinal unal vēri vōn disvak man. <sup>4</sup>vōr baga mīṇḍantoro ad dihante sūḍsi, vōn karum sonji, vōnaṅg astur kālkna dupaṭi terisi kālvaḍa mīṇḍa. nime batal kiyanayo vōr vehantor" injer itta.

<sup>5</sup>te rūtu, "miraṭ vehta tīr kīnton" injer ātiharen javab sīta.

## rūtu bōyajun bēţe māyle sonval

<sup>6</sup> rūtu kaḍataga sonji, ātihare vehta tīr samdo kīta.

<sup>7</sup> bōyaju peţimen tinji, ānandne ad rāsita handa bāj sonji, mīṇḍtor. aske rūtu nehāre sonji, vōnaṅg astur kālkun poroḍa dupaţi terisi agane mīṇḍta. <sup>8</sup> naḍḍum narka jōpne miḍuṅgneke kudurkne āsi tēttor ani tanvaṅg astur kālkun karum undi veylo mīṇḍsi manval kari kītor. <sup>9</sup> ani, "nime badeni āndi?" injer bōyaj pūsi kītor. te "mālka! nana rūtuna āndun. nime nākun karumnor pālevāṇḍani āndi ani nāva cokoţ-vāyuţ sūḍval jimedāri nī poro manta. aden sāṭi nīva dupaṭi, nā poro jarasi muca"\* injer itta.

<sup>10</sup>te böyaju, "bāyi, bagavantal nīkun āsirvād siyir. nime pahje itteke garibe āyi danevantale āyi diyon sūdsi, tunga parndi. bati nime ahan kiymaki. nime nayomina kutumbat poro modol tohta dayatunter adik nīva māriyo ad permatun tohcer manti. <sup>11</sup> aden sāṭi bāyi nime verima. nime itta ad samdo kīnton. nime

nime itta ad samdo kīnton. nime cokoṭna gun-gān vāle pēḍini āndi injer samdirkun ṭāvaye. <sup>12</sup> nana karumnor pālevāṇḍana inval karale

āndun. bati nākun ter karumnor uṇḍe voror mantor. <sup>13</sup> id rātun nime igen

ānd ani nīkun cokot-vāyut sūdvana

man. nīva jimedāri yētantor batalo sakren vōn pūsi kīsi, kari kīnton. undi mōka vōr jimedāri yētveke,

nanay nīva jimedāri yētanton injer

jīva vāle yehōva bagavantana poroģe voṭ vāṭsi vehcer manton. ujḍe mānal vērite, igene narma" injer vehtor. <sup>14</sup>te ad vōna kālvaday narumta.

voron voror vodke māyvak jur-jur sikaţi maneken tētta. aske bōyaju, "nime kadataga vāta gosţi bone vehma" injer rūtun sanga ittor. <sup>15</sup> ani

"nīva koṅgu tāra" ittor. ahan ineken ad tārta. te bōyaj sāruṅg adliṅg vanjiṅg kahci gaṭi dohci, tōcustor. aske rūtu caharte malsi sotta.\*

#### rūtu kaḍatal nayominaga malsi sonval

<sup>16</sup> tanva ātiharena rön yevta peje rūtun, "nā köryadi, nime sotta kām batal āta?" injer nayomi pūsi kīta. aske rūtu, tanakun böyaj batal bahan kīka

 <sup>\* 3:9</sup> cokoţ-vāyuţ sūḍval jimedāri yētton injer samdirkun tohan sāţi, yūda jātiter marming āneke, novral novrin ihne dupaţi mucusīntor.
 \* 3:15 selete "aske bōyaj malsi caharte sottor" injer manta.

injer vehtor ad samdo vehta. <sup>17</sup> "ade āyva vōr, 'rikam keykne ātiharena rōn sonma' inji, sāruṅg adliṅg vanjiṅg sītor" injer gir vehta.

<sup>18</sup> aske nayomi, "nā kōryaḍi, batal bahan jargantayo kare mānal vēri dīra. id gosṭi nēṇḍu tivusnal vēri, vōr bōyaj gap-cuk manor" injer rūtun vehta.

### bōyaj ani uṇḍe voror pālevāṇḍal

4 ad vakatne bōyaju caharta pāṭakun karum manval parja udval jāgataga uttor. tana vehci mattor võr cokot-väyut südval pālevāṇḍal vāser maneke, "dāda! ige vāsi uda" ittor. te aga sonii uttor. <sup>2</sup> vōr utta peje bōyaju ad cahartur daha jank daguk vedilkun gir kēyustor, te vūr vāsi aga utter. <sup>3</sup>aske bōyaj vōr pālevāņdan saṅga, "mā pālevāṇdal yelimelekna veylo nayomi mōyab dēsnal malsi vāta, ad nayomi iṅke, ʻtanvor mādso yelimelekna bomi vomka' injer manta. <sup>4</sup>iden bārete nīkun gir vodki arusana injer vicar kīton, ige ucci manvalir vedilkun mune ani vīr samdir mune id bomitun vētka indkite, vēta, undi mōka vēton indkite, nākun veha. ad bomitun yētval hak nī pejey nākune manta" injer vehtor, te võr pālevāndal, "nanay yētanton" ittor.

<sup>5</sup>aske bōyaju pālevāṇḍan saṅga, "nayominagaṭal ad bomi yētan nēṭi, sātor vōr mahalonta bāyko mōyab dēsna rūtun gir nimey tuṅga lāgar. bāriteke ad jāyjatun poro sātor vōna porol rāki kiya lāgar" injer vehtor.

<sup>6</sup> ad kēnci, vōr pālevāṇḍal, "ahan behete, nana yēta paron. bāriteke nā tōḍo puḍtur markna poroḍe ad āya paro. aden sāṭi nā badli nimey ad bomita īsatun yēta" injer vehtor.

<sup>7</sup>tole ijrayēl jātitaga cutal-band tamva tama jāvjatun vētneke āvi, vomneke āyi, voror tanva cepul tendsi unde voron siyana. vomta yēttata pūri kiyan sāţi ītal rivaj tākser matta. <sup>8</sup> aden sāti vor pālevāndal, "nimey ad bomitun yēta" inji, tanva cepul tendsi bōyajun sītor. <sup>9</sup>aske bōyaj daguk vedilkun mune ani aga manvalir samdir sanga, "nēnd mirate gava mantit. yelimelekna, kiliyonta ani mahalonta samdo jāyjatun nayomina keydal yētton. <sup>10</sup> sātor vōna porode jāyjat rāki kiyan sāṭi, vōna porol kuṭumbataga ani caharta janoba lekatal pāsi vātvak manle, nana mahalonta bāyko mōyab dēsna rūtun saṅga pāt ānton, id samdotun nēnd mirate gava mantit"

<sup>11-12</sup> ad kēnci aga ucci manvalir vedilk ani ad pāṭaknaga nilsi manvalir parja, "hō! hō! mamoṭe gava mantom. bagavantal yākobnaṅg<sup>\*</sup> bāykok rāhel ani lēyan āsirvād sītape, nīva rōn vāta veylon gir vele mari-miyaḍ

injer vehtor.

<sup>&</sup>lt;sup>\*</sup> **4:11-12** bagavantal yākobna poroḍun badl<mark>i</mark> kīsi ijrayēl injer irtor.

āyan lāsi āsirvād siyir. yepratiyulkna sagaturgaṭal dan-davlatne baḍe māsi betleham cahartaga cokoṭna porol kamay kīnir. bagavantal id ḍiya pēḍin hindal nīkun siyval santān, tāmaru ani yūdanor mari peresuna kuṭumbat dāt bade māyir" injer itter.

#### rūtu marin jalma siyval

13 te bōyaju rūtun saṅga pāṭāsi, tanva rōn vōtor. tān saṅga maneke, bagavantal tān āsirvād sītor. te ad pīṭe manji, marin jalma sīta. 14-15 aske veylok nayomin saṅga, "nīva kōriyaḍ nīkun yēḍvir markun ter adik mayate sūḍanta. bagavantane ḍagur-pān vāyi bāriteke nīkun taṅgmarin sītor ani vōr nīva mātari-pānda jimedāri yētanur. vōr moḍḍal pūro ijrayēl dēsnaga cokoṭna porol kamay kiyir. vōr moḍḍal nīkun ānand sīnur ani mātari pānde pōsi

kīnur" injer ittaṅg. <sup>16</sup> aske nayomi vōr moḍḍan kōrate yēcci, vōn markiṅg kīser matta. <sup>17</sup> ājubāju manvalik veylok, "vōr moḍḍal nayomin sāṭi puḍtor" inji, vōn obedu\* inval porol dostaṅg. vōr obedu yesayin miytor. yessayi dāvid rājan miytor.

## rūtu ani bōyajna vēli

- <sup>18</sup> id peresuna kāndānta vēli:
   hesron peresna kāndāntor.
   <sup>19</sup> rāmu hesronta kāndāntor.
   amminadābu rāmuna
   kāndāntor.
   <sup>20</sup> nayason amminadābna
  - kāndāntor. salmān nayasōnda kāndāntor. <sup>21</sup>bōyaj salmānta kāndator.
  - obed bōyajna kāndator. <sup>22</sup>yessayi obedna kāndator.

dāvid yesayina kāndator.

\* **4:11-12** peresu yūdanur marknagaṭal voror āndur ani yākobnor taṅgmari āndur. vōr maḍanor mari āyor bati vōna kuṭumba samdir tādal-tamukun ter adik baḍe māta. bōyajnur totturgaṭal peresu voror āndur. \* **4:17** obedu itteke sēva kiyval injer artam

8

© 2023 Wycliffe Bible Translators, Inc.

This project text is licensed under a CC 4.0 International License. This colophon line is the result of the project-level override working.